



## OPĆINSKI NAČELNIK

Broj: 01-19-1771-13/24

Ustikolina: 31.01.2025. godine

Na osnovu člana 70. stav 1. Zakona o javnim nabavkama („Službeni glasnik BiH”, broj 39/14, 59/22 i 50/24), a u skladu sa članom 37. Statuta Općine Foča („Službene novine BPK-a Gorazde“ broj: 8/08, 11/08, 16/13 i 7/20), a na osnovu preporuke Komisije za javne nabavke broj: 01-19-1771-10/24 od 29.01.2025. godine, u postupku javne nabavke radova „Izgradnja turističko-rekreativnog centra Ustikolina“, Načelnik Općine Foča *donosi*:

### **ODLUKU** **o izboru najpovoljnijeg ponuđača**

#### **Član 1.**

Prihvata se preporuka Komisije za javne nabavke broj: 01-19-1771-10/24 i ugovor za javnu nabavku radova „Izgradnja turističko-rekreativnog centra Ustikolina“, dodjeljuje se ponuđaču „Janjina“ d.o.o. Gorazde ponuda broj: 08/25, za ponuđenu cijenu od 208.989,16 KM bez uračunatog PDV-a, kao jedina pristigla ponuda.

#### **Član 2.**

Za izvršenje ove odluke zadužuje se Služba za prostorno uređenje, komunalne, geodetske, katastarske i stambene poslove, imovinsko-pravna pitanja, boračko- invalidsku zaštitu.

#### **Član 3.**

Ova odluka objavit će se na web-stranici Općine Foča istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### **Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 01-19-1771-1/24 od 26.12.2024. godine. Javna nabavka je provedena putem otvorenog postupka.

Procijenjena vrijednost javne nabavke bez PDV-a je 209.000,00 KM. Obavijest o nabavci broj: 1359-1-3-118-3-17/24 poslata je na objavu dana 27.12.2024. godine i istog dana je objavljena na Portalu javnih nabavki, istovremeno je objavljena i tenderska dokumentacija u sistemu e-nabavke. Sažetak obavještenja o nabavci objavljen je u Službenom glasniku BiH broj: 1/25 dana 10.01.2025. godine. Komisija za javnu nabavku imenovana je Rješenjem broj: 01-11-1467/22 od dana 22.11.2022. godine. Tendersku dokumentaciju sa Portala javnih nabavki BiH je preuzelo 14 (četnaest) ponuđača. Krajnji rok za dostavu ponuda bio je 21.01.2025. godine do 11<sup>00</sup> sati, te je izvršeno javno otvaranje ponuda u 11<sup>30</sup> sati, što je konstatovano Zapisnikom sa otvaranja ponuda od 21.01.2025. godine. Zapisnik sa otvaranja ponuda isti je dan poslat putem e-maila ponuđaču.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 01-19-1771-2/24, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena 1 (jedna) ponuda i to:

R.b	Naziv i sjedište ponuđača	Cijena bez PDV-a	Ponuđeni popust	Ukupna cijena sa popustom (bez PDV-a)
1.	„Janjina“ d.o.o. Goražde	208.989,16 KM	0,00	208.989,16 KM

Detaljnim postupkom pregleda i ocjena ponuda, Komisija za javne nabavke je utvrdila da ponuda ponuđača:

- „Janjina“ d.o.o. Goražde

je prihvatljiva jer ispunjavaju formalno pravne uslove i kvalifikacione uslove (lična sposobnost, sposobnost za obavljanje profesionalne djelatnosti, ekonomska i finansijska sposobnost te tehnička i profesionalna sposobnost) zahtjevane tenderskom dokumentacijom.

Tenderskom dokumentacijom je predviđeno da se u predmetnom postupku, u skladu sa Pravilnikom o uslovima i načinu korištenja e-aukcije („Službeni glasnik BiH“ broj: 80/23), provede e-aukcija. Nakon što je konstatovano da je u otvorenom roku pristigla samo jedna ponuda koja je prihvatljiva, Komisija je u skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“, broj: 80/23), konstatovala da nema uslova za provođenje E-aukcije, te je utvrdila konačnu rang listu ponuđača, kako slijedi:

1. „Janjina“ d.o.o. Goražde 208.989,16 KM bez PDV-a.

Iz navedenih razloga, a primjenom člana 64. stav 1. tačka b) Zakona o javnim nabavkama BiH („Službeni glasnik BiH“ broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača „Janjina“, d.o.o. Goražde za izvođenje radova Izgradnja turističko-rekreativnog centra Ustikolina, kao jedine pristigle ponude, sa ponuđenom ukupnom cijenom u iznosu od 208.989,16 KM bez PDV-a.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je ponuda ponuđača „Janjina“ d.o.o. Goražde najbolje ocjenjena ponuda prema kriteriju najniže cijene.

Na osnovu naprijed navedenog odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba Uredu za razmatranje žalbi BiH putem ugovornog organa u pisanoj formi u najmanje 3 (tri) primjerka, u roku od 10 (deset) dana od dana prijema ove odluke.

**NAČELNIK OPĆINE**  
Mujo Sofradžija

#### **DOSTAVLJENO:**

1. „Janjina“ d.o.o. Goražde
2. Evidenciji
3. a/a

